

94 ما هو فضل صلاة الضحى ومتى أصليها | بودكاست كبسولات فقهية | مع الشيخ أحمد جلال

أحمد جلال

انا سمعت ان صلاة الضحى لها اجر كبير. ايه احسن وقت اصلي فيه صلاة الضحى؟ آآ شف يا محمد هو فعلا صلاة الضحى من الصلوات اللي ربنا سبحانه وتعالى وضع لها اجر كبير جدا - [00:00:00](#)

واجر عظيم جدا. وهي بتعتبر من الصلوات اللي اللي الانسان بيأدي بها شكر نعم ربنا سبحانه وتعالى عليه. النعم اللي ربنا قال نعبها على جسد الانسان. النبي صلى الله عليه وسلم بيقول في الحديث يصبح على كل سلامى من احدكم صدقة. والسلامى هي المفصل. فكل تسبيحة صدقة وتحميد - [00:00:22](#)

صدقة وتكبيرة صدقة وامر بالمعروف صدقة ونهي عن منكر صدقة. وقال صلى الله عليه وسلم ويجزئ عن ذلك كله ركعتين يصليهما الرجل من طب ايه احسن وقت في صلاة الضحى؟ طيب تعال اولاً نعرف اولاً بداية وقتها ونهاية وقتها وبعد كده نشوف ايه افضل وقت. بداية وقت - [00:00:42](#)

كما ورد في حديث عمرو بن عبسة ان النبي صلى الله عليه وسلم قال له آآ صل صلاة الصبح ثم امسك عن الصلاة حتى تطلع الشمس وفي بعض الروايات قيد رمح - [00:01:02](#)

آآ وده تقريبا لو عايز تضبطها بالزبط تضبطها في تشوف النتيجة كده وقت صلاة وقت الشروق مثلا الساعة ستة. مثلا ضيف على الساعة ستة دي ربع ساعة وهنا يبدأ وقت صلاة الضحى. يبقى وقت صلاة الضحى بعد طلوع الشمس بقدر تقريبا آآ ربع ساعة بعد طلوع. ولو صليت - [00:01:16](#)

الصلاة دي في نفس الوقت ده كده يا محمد يسميها العلماء صلاة الاشراف فصلات الاشراف هي هي صلاة الضحى ولكن اذا صليت في اول وقتها ويفضل وقت صلاة الضحى ممتد من هذا الوقت الى قبيل الظهر بتلت ساعة تقريبا. ليه؟ لان قبل الظهر بتلت ساعة بتتوسط الشمس في وسط - [00:01:38](#)

وسط السماء وده بداية وقت آآ الكراهة التي ينهى فيها الانسان. ينهى الانسان عن الصلاة فيه وصلاة الضحى بقى ممتدة ما بين الوقتين دول. من بعد طلوع الشمس ربع ساعة لحد قبل الظهر بتلت ساعة - [00:02:00](#)

وانت لو سألتني عن افضل وقت هو افضل وقت عندما تشتد حرارة الشمس لقول النبي صلى الله عليه وسلم في الحديث صلاة الاوابين حين ترمض الفصال. آآ ومعنى الحديث اي عندما - [00:02:16](#)

سد حرارة الشمس. فلما بتشتد حرارة الشمس اوي هنا بيكون ده افضل وقت لصلاة او لتأدية صلاة اه اه الضحى. والعلماء قالوا طب احنا نعرف ازاى قالوا شف ما بين طلوع الشمس قيد رمح. لو مسلا هيبقى الساعة ستة مسلا وآآ - [00:02:32](#)

اه اه توسط الشمس لوسط السماء بيكون مسلا الساعة اتناشر. اقسام ده على اتنين. يعني من ستة لاتناشر ادي ست ساعات. اقسام ده على اتنين فبيكون تقريبا من الساعة تسعة للساعة عشرة ده بيكون افضل وقت لصلاة الضحى. لان في الوقت ده بتكون حرارة حرارة الشمس مشددة جدا على الناس - [00:02:52](#)

فيكون الاجر هنا افضل ويكون الاجر هنا اعظم ان شاء الله. ماشي شكرا ان شاء الله. العفو يا محمد - [00:03:12](#)